



T 3145/0669.81

3

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 12 1939





唐縣志卷之六

哈佛大學漢和
圖書館珍藏印

山陰平鄙興纂修

人物志

名宦

鄉賢

太上立德其次立功其次立言並稱不朽人之宦
其地而獨以名著居其鄉而得以賢聞豈易易歟
自非政教浹於人心行誼邁於閭黨如所謂立德
立功立言者安能聲施於後世哉說者不察徃徃
目仕宦爲名宦視鄉宦爲鄉賢其於載籍之傳匪
誣則濫胥失之矣唐地先哲代不乏人甘棠垂澤

月且遺徽足以樹風聲而昭模楷者亦不朽之封也志人物

名宦

周

申伯宣王母舅封於申邑於謝以定申伯之宅屏翰王國世執其功尹吉甫作崧高詩八章以送之言嶽山高天降其神靈和氣以生甫侯申伯爲之積幹而宣德澤於天下故曰王之元舅文武是憲今唐邑南謝城卽其封地

漢

鮑昱上黨屯留人建武初爲泚陽長政務仁愛吏民懷之有趙堅殺人繫獄當死其父母詣昱泣告無後昱憐之令將妻入獄遂有娠生子荆州刺史表其事於朝中元元年拜司隸校尉累官南陽太守時歲多歉南陽獨豐咸謂昱誠上格所致稱爲神父修學辨禮養老育才百姓悅服比之龔黃焉

北周

薛慎河東山陰人保定初爲湖州刺史時宇文護

專政殺中州刺史賀若敦吏皆股栗慎淡定自守
與三老子謹善自藏晦其治湖訓士安民惟以綏
輯爲事故得晏然於齊陳之間而邊釁不啟諸蠻
率化有真父母之稱與勳州韋孝寬齊名
樂遜河東猗氏人天和中爲湖州刺史勵士愛民
化洽州境遷左光祿大夫時以霖雨詔羣臣極諫
遜上言四事其一守令專務威猛其二貴勢競侈
靡工作務爲奇巧其三論銓曹補擬宜與衆共其
四謂高洋據有山東未易猝制譬猶碁劫相持爭
行先後一行不當或成彼利不宜貪利邊陲輕爲
興動侃侃敷陳皆切於時政北周賴之

唐

李適之宗室常山愨王之孫神龍初爲唐州刺史
政治清平蕭誠爲清德頌以美之天寶元年代牛
仙客爲左相未幾與李林甫不協以太子少保罷
宋紹興初頌起守淮安郡讀其頌慕適之之爲人
作清德堂以庶其頌

袁滋元和間爲唐州節度使先是治華州政尙慈

惠未嘗多設條令民皆德之吳元濟反滋言於帝
曰蔡兵勁非朝夕計可下宜廣設方畧離潰其心
帝思以恩信傾賊且滋嘗云乃授滋節度唐州滋
性素樂易與之接者皆自謂可見肺腑治簡民和
有循吏之風

高霞寓元和間爲唐州節度使素善春秋諳兵法
以慷慨自尙嘗討王承宗諸將軍多覆獨霞寓有
功全師輒民時賴以安詔藏所獲鎧仗於神策庫
以旌其績拜唐鄧節度使

李愬字元直洮州人晟之子元和十二年以太子
詹事出爲唐鄧隨節度使推誠接物不以逆詐爲
事嘗以李祐李憲輩爲客每屏人與之語軍中多
諫祐憲不可近愬遇之益厚會吳元濟反愬率中
軍三千出文成湖作以突將三千爲前鋒李忠義
副之帥夜起時大雨雪偃旌銜枚直搗元濟壘卒
平蔡州愬常儉於奉已豐於待士任使不疑遇事
能斷故所向成功

盧祥武宗會昌中擢唐州刺史勸農桑督墾萊修

復名信臣陂堰灌漑田疇民賴其利咸歌之曰盧君侯來何暮疏我堰如名父

宋

趙尙寬河南人嘉祐間知唐州唐素沃壤經五代亂土曠民稀賦役不充議者欲廢爲邑尙寬曰土可益墾闢民稀可益招徠何廢郡之有乃按視圖記得名信臣陂渠故迹發卒疏復三陂一渠溉田萬餘頃又教民自爲支渠數十轉相浸灌於是四方之民來者雲布尙寬復以荒田計口授之及貸

民官錢買耕牛比三年增戶萬餘三司使包拯與部使者交上其事仁宗嘉之下詔褒焉留於唐凡五年民像以祠而王安石蘓軾作新田新渠詩以美之

高賦中山人知唐州繼趙尙寬法募兩河流民計口授以曠上督之力耕復爲作陂堰益興水利以脩旱澇三年報績將去士民泣留於朝日願借高君活我萬姓比去田增三萬餘頃戶增一萬一千三百聖書褒慰諭宣布治狀以勸天下民立祠祀

之

范百祿神宗元豐中知唐州勸農課士人以比之
嚴師慈父時與學校諸生開示明道伊川之學而
不齒王安石呂惠卿專利病民之法一時士風丕
變民不爲新法所困

劉蒙神宗熙寧三年知湖陽縣卽今唐之湖陽店
也耿介自持不阿權貴每以寬惠恤民民皆安業
會常平使者集諸縣令議免役法蒙謂不便不肯
與議退而條上其害卽投劾去

頓起汝南人紹興初守淮安郡有善政慕唐刺史
李適之之清德爲作堂以庇清德頌因名其堂廉
惠愛民人稱適之再見焉

余爽分寧人爲唐州判官博學多大畧以討叛蠻
功陞知沅州

元

秋泉公至凡丁亥爲唐州同知政寬民和不操切
以煩人鳴琴而治晏若無事公餘讀書秋香亭扁
其門日吟燕之所去之日民懷其德爲立碑以志

不忘

明

高翼直隸通州人洪武十九年知唐縣時天下甫定諸事草創翼築城鑿池安輯民人教以孝弟力田之義凡遇科差必不獲已務酌均平之宜以節民力徵稅必及其時無迫呼併迫之擾上下便楊份山東臨淄人洪武二十九年知唐縣守法奉公政平訟息勸民開墾荒田勤於耕稼汗萊皆爲平疇蒞任九載卒於官軍民如失怙恃羣赴哀泣

爲之罷市

張純籍失載治唐多善政嘗語人曰濂洛書申韓法皆不足以治莫若善推其情而設身處之如蘓良公之文以得情勝乃理縣譚也任三年民蒙其利每公私期會藹藹如家人父子之間咸不忍欺杜芳山西翼城人宣德初知唐縣以善教民不事鞭撻察民間子弟有讀書者給膏油助之民皆課以生業不令游手曠時有輕俠無賴不率教者給牛種使之力農收過自新乃止由是人皆感化時

稱能吏

宋瑛山東恩縣人正統七年知唐縣剛決廉介不可干以私聽訟卽與剖斷不株蔓不耽延不遣隸役勾攝徵收不問耗不差貧不額外浮加有循吏風

郝景芳廣平人正統十二年山舉人知唐縣清節自惕以威惠聞勸農桑勤作育孜孜弗怠遇有流移必授以土田俾得耕食去之日敝裘羸馬行李蕭條邑人爲立去思碑

孫顯直隸阜平人成化三年知唐縣甫下車卽召邑中父老訪民間利弊商酌便宜銳意興革爲政明察嚴教吏不敢欺然豈弟和平威而不猛民是以感之

孟吉濮州人成化十二年由監生知唐縣持大體有介操嘗論爲政之要曰刑以繩中人禮以範士子使有車廉耻畏法度之心始可爲治士民化之盜賊屏跡邑里晏然

李宏直隸武邑人成化十六年由監生知唐縣潔

已奉法門無私謁時學宮領祀捐俸重修大成殿
五間治唐七載解有善議於心口聞者

蘇冲相湘陰人成化二十三年由舉人知唐縣存
心仁恕篤於愛民剖訟必期無冤有贖緩則榜之

縣庫毫無染指徵輸稅糧嚴絕羨餘公暇則集多
士講制義談性理相得甚懽時有父母師長

稱之

范通絳州人弘治十三年由舉人知唐縣直道
任不營私計其爲政寬嚴相濟深得大體迄今
民頌之

巫瑗江西豐城人弘治末由舉人知唐縣嘗講讀
律令教民奉法興起學校使人知詩書之榮尤重
農功咸安耕鑿邑民熙熙向化

段曉歷城人正德元年知唐縣砥行嚴峻執法不
撓豪右望風而避尤善鈎鉅雖狡黠無所遁時稱
發奸摘伏如神

陳頊廣東東莞人正德六年由舉人知唐縣時流
寇趙鏗於七年二月犯境攻圍二十八日頊多方
脩禦覘其可乘遂夜遣苗秀趙思敬等衝其壘斬

賊渠白大王圍乃解陞本府通判仍知縣事

李鐸定州人正德十三年由鴻臚寺序班出知唐縣推誠執法人莫能窺其旨修舉廢墜吏畏民懷時唐志久殘缺鐸爲修輯之至今猶存什伯於一二奏最第一祀名宦

李可久山西陽城人嘉靖間由進士知唐縣均徭役築城垣勸農講學政績丕著陞河間府同知尋轉四川僉事

田成法湖廣蘄州人嘉靖末由進士知唐縣深念里甲凋敝多方節省民力以舒時唐邑科日寥寥爲講學勵士提擢不倦陞戶部主事尋擢御史劉懋中直隸魏縣人萬曆間由進士知唐縣政尙寬簡催科不事敲撲而輸將恐後民有犯刑者從容導諭俟其改而後已終不苦以法時有龔黃再起之頌擢吏部去板留者如市

黃茂四川富順人萬曆中由舉人知唐縣創建預備倉積穀救荒造敷文書院與諸生講經術表彰正學並修理殿尊經閣文昌宮名宦祠東西儒門

四門城樓菩提寺養濟院興作以時民無勞費邑人德之

王名登江南溧水人由進士知唐縣以勸農課士爲務延師於文昌書院集邑中俊秀講學課藝士多賴以有成擢刑部貴州司主事

王文清山西永寧人天啟初由進士知唐縣端方廉介人莫敢干以私每聽事整肅規條胥役聞鼓聲輒皆股栗時正供外復加遼餉唐多瘠土民不堪命文清手牘三請於臺使者累數萬言以才能

調繁秦之咸寧唐民走板當路疏上得留咸寧人爭之至輒其車不得行復任後章程既定鳴琴而理案無留牘惟與二三孝秀程材講藝而已累官中丞

國朝

朱廷位萊蕪人順治丙戌進士知唐縣蒞任三載淡泊無營民安其業尋以艱去

李芝英鐵嶺衛人順治七年知唐縣時當明季寇燬之後民稀土曠芝英多方招諭墾荒復業修城

葺學典舉要務自是逃亡漸集賴以安全累任太守

吳璞字穀倉福建人順治壬辰進士十二年知唐縣才猷敏練訟息民安尤樂於裁成士類璞學問淵洽人皆師事之又捐修明倫堂及戟門文教振興士民感悅

田介字眉生湖廣京山人康熙三年由舉人知唐縣嫻經術優吏治舉不便於民者悉罷之時邑民爲田糧所困人多逃去介察知地荒糧存丁逃名

在者募新墾以抵荒糧編現戶以補逃丁民間攤賠之累一時盡除至詳禁驛站遠道條議多引鹽弊修城垣建縣治暨名宦祠邑尉署皆以次構葺而民無勞費治唐三年以艱去猶增修邑乘捐貲劊廟旣歸逾年士民思之迎生主祀於名宦祠

職官之中表以名宦非侈美也將以爲法也三代直道自在人心去思容可俸致哉羊祜墮淚於峴山朱邑留祠於桐土惠愛所被久而不忘祠以報之宜也然則讀其傳瞻其祠是則是微

吾師乎其在斯矣

鄉賢

漢

馮魴字孝孫湖陽人其先魏之別支食米馮城因以爲氏秦滅魏遷於湖陽爲郡望族王莽末魴乃聚賓客招豪傑作營塹以待所歸光武聞而嘉之建武三年徵拜虞令以威信稱遷魏郡太守二十七年爲太僕中元元年從東封岱宗行衛尉事遷爲司空賜爵關內侯二年帝崩使起原陵更封爲

邑鄉侯永平六年顯宗幸魯復行衛尉事七年爲執金吾魴性嚴峻公正在位數進忠言多見納用元和二年卒子柱尙獲嘉長公主柱子定官至羽林郎將定弟石封獲嘉侯

馬武字子張湖陽人從世祖起兵破王尋王邑等拜振威將軍建武元年封山都侯武爲人濶達敢言時在御前而折同列言其短長無所避忌帝故縱之以爲笑樂建武四年擊濟陰下成武楚丘拜捕虜將軍六年西擊隗囂十三年增邑更封鄡侯

將軍北屯脩邊封揚虛侯留奉朝請顯宗初西羌寇隴右復拜捕虜將軍大破西羌振旅還京增邑七百戶并前千八百戶永平四年卒子檀嗣

樊宏字糜卿重之子少有志行更始欲以爲將辭之與宗族作營塹自守老弱歸之者千餘家時赤眉賊掠唐子鄉欲攻宏營聞其仁厚引去世祖卽位拜光祿大夫封壽張侯宏謙柔畏慎不求苟進常戒其子曰富貴盈溢鮮有能終者吾非不喜榮勢也天道惡盈而好謙前世貴戚皆明戒也保身

全已豈不樂哉每當朝會輒迎期先到俯伏待事時至乃起光武聞之常勅驎騎臨朝乃告勿令預到宏所上便宜及言得失輒手自書寫毀削草本帝甚重之及病車駕臨視卒謚爲恭侯子儵嗣別有傳宏少子茂復封平望侯樊氏侯者凡五國岑彭字居然唐之棘陽人初守宛城更始攻之數月乃下劉縯高彭節義請於更始封歸德侯建武元年諸將圍洛陽彭說朱鮪降三年同王常率七將軍討鄧奉十一年攻田戎與吳漢會荆門上書

言狀帝報曰荆南之事一出征南公爲重而已時彭拜征南大將軍故云彭令諸軍直衝浮橋順風並進所向無前長驅入江關蜀民爭開門以降是年冬代來弒破公孫述卒於王事人咸悲之

陳俊湖陽南紫玉山八少爲郡吏從光武擊銅馬賊於清陽拜強弩將軍與五校戰於安次俊下馬手接短兵所向必破追奔二十里斬其渠帥而還後以平青齊功封祝阿侯

堅鐔湖陽人擊富平斬董憲擒張豐討龐萌平隗囂公孫述凡征戰時鐔無不從効死力圖刻雲臺今唐子山有堅將軍墓

樊安字子佑湖陽人幼學治韓詩論語孝經歷中黃門小黃門右史遷藏府令中常侍年五十有六永壽四年卒

樊儵字長魚宏長子也就侍中丁恭受公羊嚴氏春秋刪定章句世號樊侯學教授門徒前後三十餘年事後母至孝及母卒哀毀過禮光武常遣中黃門朝暮送餼粥明帝時嘗治獄奏廣陵王荆罪

當誅帝怒曰諸卿以我弟故欲殺之卽我子卿等
敢爾耶儵曰天下者高帝之天下非陛下之天下
也春秋之義君親無將將則必誅臣等以廣陵王
荆屬託母弟陛下留聖心加惻隱故敢請耳如令
陛下子臣等專法而已帝歎息荆卒自殺國除其
執法不阿如此

樊雋字幼陵湖陽人宏之族曾孫少勵志行修儒
術和帝幸南陽雋爲郡功曹帝見雋之拜郎中鄧
太后臨朝儒學陵替乃上疏曰人君不可以不學

光武皇帝受命於天與東西誅戰不逞收處然稽古
文講藝息馬論道孝明皇帝庶政萬幾無不備心
而垂情古典游意經藝止坐自講諸儒並聽化曰
聖躬流及蠻方學者益心遠方尤甚博士倚席
不講儒者發論麗宜博求幽隱寵進儒雅以俟
聖上講習之期太后深納其言自後屢舉方正敦
樸仁賢之士及爲御史中丞請減黃門鼓吹廐馬
半食以公田賦與貧民廩貸冀免流民永元元初
之間中外想見風采各重一時

魏

鄧艾唐之棘陽人拜西將軍正始二年勸魏屯田揚豫之間以乘吳馬懿善之後破姜維於段谷初從陰平入蜀降

懿擒諸葛瞻時鍾會與衛瓘忌之密白艾有反志詔以檻車徵艾會艾部將士追還羅自以與會共陷恐艾為變遣護軍田續襲艾殺之晉泰始元年議郎段灼給事樊建白艾寃以其孫朗為郎中

晉

朱序襄陽刺史會符秦攻克襄陽執序送長安堅以序能守節拜度支尚書遂以兵百萬大舉入寇陽平公遣序說謝石等降秦序私謂石等曰全軍未集宜早擊之石從序言一戰而斬秦將梁成時秦兵逼淝水而陣序兵不得渡謝石遣使謂陽平公曰君若移陣少却使晉兵得渡以決勝負不亦可乎堅欲半渡擊之遂麾兵使却秦兵退不可復止朱序在陣後大呼曰秦兵敗矣衆遂大潰晉統獲廷功亦偉矣

南北朝

樊毅字智烈湖陽人祖方與梁散騎常侍魚復縣侯父文熾梁散騎常侍新蔡縣侯毅累葉將門少習武善射以功授梁持節通直散騎常侍貞威將軍封齊道縣伯除天門太守進爵爲侯高祖受禪與弟猛舉兵應主琳琳敗奔齊太尉侯瑛遣使招毅毅率子弟部曲還朝天嘉二年授通直散騎常侍累遷武州刺史太建初轉豐州刺史封高昌縣侯後主卽位進號征西將軍改封逍遙郡公

宋

曲端工詩詞尤長於兵器張浚承制築壇拜爲成
武大將軍先是爲涇州都統有叔爲偏將戰敗謀
之旣發喪爲文祭之日嗚呼斬副將者涇原都統
制也祭叔者 侄端也一軍長服魏公浚嘗閱端軍
以所部五軍籍進浚命其一因於庭中曰旣經
一鶴以往面一軍時至浚爲愕然旣而欲盡觀其
軍端悉縱五鶴五軍以象浚而變而心息之後以
吳玠子慶之 請安置爲安軍端死非其罪詔復置
州觀察使謚莊閔

元

趙毓唐縣人父福遷鄭之管城其先三世同爨毓
官福州司獄任滿歸里以母老不復仕乃申遺訓
大小百口同力合作畧無間言長兄瑞沒嫂劉氏
守志毓事之甚恭次兄遷早世嫂王氏亦矢志孝
友節義萃於一家元貞初旌之

明

宋玘洪武中舉人出宰 祁縣廉慎有異才擢監察

御史執法不阿豪右歛跡遷南雄太守有惠政以母憂歸未幾土以其賢奪情起知金華府澤流化洽名重一時

張鵬飛原名九萬太祖易今名杅曾孫也由吏員歷官戶部郎中有能聲言貌誠慤無異寒士嘗戒其子曰天道惡盈吾以岑公孝而爲計部郎恩出異數爾曹勿藉餘蔭凌故鄉則家門善事也卒於官奉勅賜葬

李實永樂辛卯舉人任趙州知州典賢育才政績丕著居鄉素和藹與人無忤人每稱之曰古君子從祀鄉賢

靄郁丁酉舉人任南和令撫字有方政聲日著三載奏績慕淵明之風遂掛冠歸日與里中父老子弟講孝友嫻睦諸事勉人讀書爲善時皆重之

何斌壬午舉人博學有行誼不治生產好脫人急難不責報亦不使人知任山東淄川縣令清節著聞

靄霞丙午舉人任山東谷陽令政尙寬厚在任無

赫赫名去後多令人思時以比之何武及歸里課子孫讀書屏跡干謁凡鄉人貧不能婚喪不能葬者輒賑給之

張敏由明經累官湖廣僉事清操峻潔所至有廉幹名達賢糾惡政府肅清里居日不以智先父兄貴凌宗黨鄉人重之從祀鄉賢

張恒由明經任德州知州志行清介御下以誠進無隱忠退無遺憾惟以居盈處市是懼與里中父老往來讌會和而不浼從祀鄉賢

朱整由貢士任御史讜直敢言遷知大名府疾惡憐才郡邑肅清每論事必分邪正論人必辨賢奸人皆服其鑑識小有所創革人輒曰朱君得無不可爲時所重若此

李堅景泰戊辰進士授翰林院庶吉士有博雅名尋改御史彈劾不避權貴風憲肅然中外憚之堅少嗜古天性和易嘗以讀書惜陰敦族睦隣爲念其於應酬俗習拒之甚力

韓德由明經任山西靈石令通敏廉潔民歌思之

居鄉尤恂恂善下不雌黃人遇歲饑賑粟捐襦施藥掩骼垂老無倦從祀鄉賢

苗泰由選貢累官苑馬寺卿冲虛誠樸不矜其能嘗語人口非狂非狷不惠不夷外若披膽內實負心此流俗薄德泰竊耻之當共戒焉忠信廉潔有良臣風

朱徵少好學以能文稱登戊戌進士知山東歷城縣多善政擢御史條奏時政無所隱諱尋陞山西僉事果毅有爲屢著政績

曹倫大中丞文衡之祖孝友性成人無間言素恭謹雖讕笑不苟與人交終身無倨慢之色課子必以義方有長者風以孫文衡貴贈通議大夫祀鄉賢

曹三俊由選貢知靈壽縣清廉惠愛淡泊無營每樂與人同功及聞人過則屏息不道尤篤於孝年方強仕以母老乞歸奉養侍疾極盡誠敬里有闕墉於家漁獵於鄉者見公輒引去以子文衡貴贈通議大夫從祀鄉賢

曹文衡字玉鏡號薇垣萬曆丙辰進士博學有大
畧性剛方嫉惡初授大理寺評事折獄多平反民
以不寃出守東昌時白蓮盜孔友德亂調知兗州
府捕緝解散四方綏靖陞東兗兵備副使以不阿
魏瑞歲三遷特簡巡撫江南劄平流氛及崇明海
寇東南賴之以漕運動王功特召任兵部右侍郎
旋命經畧薊遼奏陳邊計若操左券後以中使鄧
希詔用遂乞骸歸著有漢書評小史論撫吳疏草
薊遼奏議荷新堂詩文行於世

國朝纂修明史啟 禎名臣錄宛郡惟公一人穰郡彭太
史爲立傳見 藝文志

韓相昌黎裔亮節高風素履端慤以忠厚世其家
平居遜讓不追遇世俗澆薄子避之恐後每以古
道自持人望歸之以孫應琦貴

國朝 贈榮祿大夫從祀鄉賢

韓得信少敦敏動循規度不屑屑經生家言性至
孝承歡弗怠課子務敦大節嘗語人曰太上立德
吾立吾德而已他何知焉尤慷慨好善急人之難

會明季流寇四起歲復大疫得信傾所儲賑之全活甚衆士庶公請從祀鄉賢以子應琦貴

國朝 贈榮祿大夫

曹鳳禎字翔千號天封文衡長子崇禎癸酉科舉人淹博倜儻尤善籌畫應變時有文武才之稱能馬上射金錢百發百中隨父經畧薊遼嘗與叅謀邊計無不奇中居鄉退讓不伐邑里重之流寇之亂挾策干寧南侯不能用遂死於難著有霞閣詩集行世

國朝

韓應琦字紹公幼業儒值明末寇亂兼習韜畧素有大志我

朝應運投筆從戎順治二年督兵進征南康南昌臨江吉安等地賊據險負固琦悉以計次第平之及抵贛州攻五月不下城拔之日諸將欲盡屠之琦泣曰脅從無知今旣歸誠曷若予以自新全活者無算以功授南安總鎮綏靖楚粵順治五年江右復叛琦奮不顧家率所部兵會將軍譚協力勦平妻

孥家口盡罹賊難奉

特召入京進資政大夫賜二等阿達哈哈番世券康熙
元年疏請歸葬比歲復庸尤甚琦白當事緩徵
復捐急餉二千四百兩以甦民困時流民多陷罪
繫獄琦爲罄囊贖釋甚衆縣治久廢捐建聽事堂
以倡之唐鹽引額加多民苦莫支力請得減一千
一百有奇里人咸被其惠康熙三年出授延綏挂
印總兵加封光祿大夫時邊牆久圯難於守禦琦
至立烽燧謹斥堠壁壘以固邊人多效悍琦以誠

信結之衆皆悅服今邊土唐邑皆建祠祀之祖相
父得信

節節贈一如其官子孫官廕者五人

曹鳳璽字丹書號唐封文衡子順治庚子科舉人
性孝友醇厚謙和與人語訥訥若不出口好讀書
不事生產癸丑考授知縣改任許州學正端範勵
士日與諸生講課經義寒暑不倦甲子科楚闈聘
與同考所錄皆知名士及歸以疾卒學者比之月
川先生云

鄉賢之典所以崇有德勵風教也語云蓬生麻中不扶自直言習俗移人雖賢者不免鄉有哲人近為粉榆之則遠垂後世之師舉而祀之昭矜式也不然勢位富厚當時則榮歿則已焉其能侔徽俎豆也哉

唐縣志卷之七

山陰平鄙鼎纂修

人物志

忠貞者碩

孝行文學

節烈隱逸

義行流寓

忠孝節義扶植倫彝好義達尊永昭儀範綱常風教之大繫焉若夫淹雅肥遯擇里處仁之哲彥彰耳目亦人物也高山在望仰止匪遙秉彝之好人固有同然也因列而備志之

忠貞

元

馬旺唐之長秋人貞元間戍婺源爲總管軍民元帥婺界萬山間時大寇盤踞旌旗湯野四方爲之震動旺奮勇誓師曰吾不能救此一方民何以副朝廷委任之意乎乃挺身出戰殺賊數千力疲而死謚忠顯封其子聚爲忠顯校尉葬長秋店進士江霽爲作墓銘

明

王深澤彰德林縣人授唐邑論崇禎壬午署縣事值闖賊攻城督民守禦賊百計不能下相持久之

以衆寡不敵城遂陷爲賊所執呵之跪深澤踞坐日讀聖賢書所學何事吾頭可斷膝不可屈遂呼李自成大罵賊怒三裂其屍而死生平耿介無私司論時有以戚友之訟授之金謝曰明明在上吾誰欺乎未幾寇日熾遣子歸養資斧不給圖書之外無長物卒殉難士民哀之順治十年 巡撫李檄取其實具 奏

譚聖言撫州臨川人任邑簿崇禎十四年流寇攻城有促之避者聖言正色曰旣邀朝廷一命之榮

食其祿而偷生非忠也棄守土而潛遁非義也不忠不義何以生爲及城破爲賊所執神色不變從容就死

藺起龍陝西華州人任邑尉身義任俠當流寇猖獗時每留心伺禦悉力弗懈迨城陷勢孤莫支爲李自成執去挾之降露刃以待龍笑曰豈有從賊命官耶至死不屈

王中錫唐右所武畧將軍忠義自矢勇畧過人移鎮汝寧堡值流寇犯境中錫日忘國全軀不義遇敵避亂不武遂率兵出戰奮勇前擊身中三矢爲賊所殺

國朝

薛自成唐縣人任辰常鎮標中營都司從

王師南征被創陣亡順治十三年

恩賜 諭祭仍查嫡子陰襲

諭祭文曰鞠躬盡瘁者臣子之芳踪卹死報勤者國家之盛典爾薛自成賦性忠直國爾忘身禦敵衝鋒被創殞命朕甚悼焉特頒牲醴用慰幽魂爾如

有知尙其飲此

韓文煥應琦長子順治五年從父之江右任時賊衆復叛應琦出戰文煥與其弟文炳文煥皆被賊所執文煥罵賊曰

朝廷何負若等而反耶吾父受國厚恩吾兄弟皆以死報分也决不向賊求生貽吾父羞誓爲厲鬼以殺賊耳同時被害至死不屈

劉恒心字惟能邑庠生素機警有膽畧明末寇亂四起所在煽惑恒心教練鄉衆悉力備禦唐東南半壁賴以保全順治三年奉

王命委任羅田縣縣丞時流寇餘黨數千掠羅田破之恒心毅然曰城不可破身不可降不屈而死

死生之際固難言之矣時遭多艱而慷慨赴難從容就義者幾人哉范質欠一死馮道多一生千古而下不免詭譎者大道爲公性使之也邑有忠貞而不亟爲表彰何以媿天下後世之爲人臣而懷二心者

孝行

漢

樊重字君雲湖陽人光武外祖也其先周仲山甫封於樊因以爲氏性至孝母常畏雷爲築石室以避之三世共財子孫朝夕禮敬常若公家善農桑課童隸各得其宜貲至巨萬而賑贍宗族恩加鄉閭邑中推爲三老以壽終後帝祀章陵過湖陽祀重墓追謚爲壽張敬侯

明

李擴以明經授州縣任縣令素孝友不尚浮華

惟以事親爲志時薦膺屢上堅以陳情請去嘗曰親老矣幸爲清白吏不至污親他日徒悲風木子心安乎遂掛冠歸養奉旨立孝行坊以旌之從祀鄉賢

馬翰如字馳王邑庠生崇禎九年父爲賊所執翰如奔赴賊壘請以身贖及賊殺其父號哭守屍不去賊亦色動哀而食之不受縱之使歸翰如日父死安歸曠日罵賊亦被殺

張元良字明貞邑庠生性至孝父疾甚每夜焚香

告天願以身代誠懇備主及父卒朝夕悲號勺水
不入口以哀毀死人皆哀之

國朝

謝萬誠唐邑人父卒家貧不能殮與其妻張氏謀
賣氏得十五金悉置衣衾棺殮署郡事張公三異
廉得其實捐金贖還其妻順治十三年縣令吳瑛
異之愛其廬日賣妻葬父

丁衡世唐之大河屯人鄉居樸魯惟知孝養父卒
哀慕不忘結廬坐右負土爲墳朝夕悲思三年如
一日人皆稱之

韓蘓唐邑人少失怙恃每鷄鳴時輒起焚香誦經
我之章悲號踴哭至老彌篤有欲舉其孝行於有
司者辭之曰逮養未能正滋罔極安忍以孝聞邑
人尤嘉其賢

孝本至性非爲名也而必錄其姓氏傳其行謹
不幾啟人以邀譽之途與然書記齊夔詩歌孺
慕千百世後猶令人感動興起而嘖嘖稱道弗
置不求名而名卒歸之何哉疇非人子可不隨

分竭方永言難則也哉

節烈

明

趙氏邑庠生郭屏翰妻年十八屏翰早亡誓與同死營葬畢遂自縊里人上其事建坊旌表

朱氏仝仲秋妻秋卒堅志自矢撫孤課讀凜若嚴師嘉靖間建坊旌節

呂氏傳子言妻年十六夫卒矢節甘貧足不踰闕外紡績自給奉養舅姑克盡孝敬萬曆二十九年

建坊旌表

項氏吳之龍妻年二十夫歿晝夜悲泣誓以身殉絕粒七日死邑令表其墓曰貞烈可風

宋氏年十三許字張姓未奠雁而張故女往弔就靈幃前痛哭而死萬曆間旌表其門

宋氏監生仝克立妻立早卒氏堅操撫孤萬曆間奉文旌表子宸娶朱氏亦早亡循姑遺行雖家徒

四壁而誓守苦節歷久不移人稱之曰一門雙節

懷氏呂浩妻浩早歿氏剪髮毀容矢志堅守撫孤

成立邑令表其門曰貞節之廬

張氏靖諫妻氏年二十三諫故水蘖自持其兄屢
屢奪志堅矣不從孤兒攄忠甫三歲周防撫育事
舅姑生養葬祭如禮歷四十六年會流寇亂不食
死壽六十九瀕終謂其子若孫曰吾今而後可以
報爾祖爾父於地下矣孫簪桂臻桂並以文學名
邑令旌其閭曰栢質蘭馨

呂氏陳範妻範早亡誓節撫孤始終不渝里人高
其節爲白當事旌之

朱氏儒士謝紀妻紀亡矢志守貞誓曰生爲謝氏
婦死爲謝氏鬼奉舅姑極盡孝養有勅奏請建坊
旌曰節孝

許氏曲從善妻夫早卒甘苦節育孤兒荆布操作
三十年無怠色子耀極充弟子員娶王氏亦蚤亡
王氏有遺孕撫之如其姑一門雙節備歷艱辛聞
者莫不歎息

王氏庠生蔡如蘭妻年二十二夫故欲與偕死子
王彬尚在襁褓咸慰解之內念夫後無託勉力鞠

有備嘗荼苦終其身如一日

楊氏藍希聖妻希聖早歿清操矢志撫孤天錦成
立里中關於當事奏請建坊旌其門曰栢舟完節
恤刑岳公鍾秀聞而義之贈以聯曰母節高千古
皇恩播萬春

安氏趙應麟妻構家難爲賊陳蛟等所屠積屍填
室氏以死許夫屍屬操刃者先斷已首令其夫生
見之時有挑之者氏泣曰一家盡登鬼錄妾何忍
緩死以貽夫羞且哭且誓曰賊速殺我遂殺之從

容無懼色

藍氏庠生高星元妻崇禎十三年流賊突至民營
竄避氏被執賊欲犯之誓死不從涕泣而罵何其
剛奪刀自刎

王氏貢生全毓賢妻崇禎十四年闖賊攻唐賢奮
不內顧同邑令矢志守禦城陷毓賢死之氏抱子
號誓賊怒殺之子尚在懷見者哀焉

朱氏趙天裕妻崇禎末裕陣亡南陽氏同妾哀慘
徹天地曰夫爲國死妾爲夫亡遂同縊死賊惡而

焚之事平猶有雙影懸繡壁問見者異之

國朝

余氏 贈光祿大夫韓得信妻信早世氏守節訓
孤冰霜白勵每稱未亡人輒聲與淚併二十餘年
甘耐艱瘁子應琦仗策翊

邁屢著奇績 贈淑人加 贈夫人

周氏延綏總戎韓應琦元配順治五年金聲桓叛
據南昌琦奉檄出勦奮不內顧氏指所居訣曰此
吾死所也已而賊至氏與妾白氏及子文煥文輝

文煥同罵賊死男婦七十二口同時被害 贈淑

人加 贈夫人康熙元年奉

旨建坊旌表

侯氏庠生際獻琳妻琳卒子方襁褓氏年二十堅
貞守志安貧不渝時人賢之

劉氏舉人曹鳳祖妻祖遺家難歿且乏嗣氏痛夫
不得其死苦節誓守每讀祖遺詩輒垂泣終日有

完節女士之稱

張氏庠生曲從聖妻年二十五聖卒子桐甫五歲

氏居貧堅節撫孤採芹鄉人嘉之

王氏李汝賢妻年二十七夫亡不憚勤苦矢志完貞雖外侮內變交起終不易其所守壽七十有九卒進士焦榮爲文頌之

枝氏廩生申希臨妻年二十六夫卒子自天方八歲撫孤課讀堅持志節及自天膺歲薦不遽就職日以奉養不置爲念嘗思其父罹厄南陽遇春霜秋露子母對泣人皆哀之里中有是母是子節孝終始之稱

翟氏鄭國元妻年二十而元卒矢節撫孤恒以忠信儉勤陰行積德爲家訓子孫咸循矩度邑令旌其門曰節操冰霜

趙氏庠生曲耀閏妻年二十四夫歿願相從于地下以兩孤無恃矢節撫之既而二子俱歿始終堅守志不稍移無子而貞尤他人所難

李氏庠生宋觀大妻夫遭寇難氏無子有勸其再醮者輒面詈之誓不改操

劉氏張承業妻業歿之日子尚行甫三歲氏盡瘁

撫孤貞操峻潔教子舉茂才以嗣南軒世系砥節
盟心里人至今稱之

韓氏庠生全景運妻年十六歸全踰年育子甫四
月夫故欲以死殉父應琦諭以撫孤承祧乃甘茹
荼苦育子占恒成立以明經候選邑佐守節三十
六年卒康熙三十二年建坊旌表

韓氏生員方際泰妻泰早逝氏安於苦節儉勤課
子遺孤四克長克順克頹克生皆以文學各人謂
節母之教愈於嚴師咸慕子焉

夫人平居高言節烈莫不慷慨自期迨變故卒
起貪生敗檢貽笑後世者不少矣迺於巾幗之
中而冰雪其心松筠其操死生之際裁之以義
聖不可奪如此以視鬚眉丈夫覩顏求活者其
何去爲何如也聞潛德之幽光以維風教於垂
信重難焉

義行

明

馬三近字化源邑庠生素孝友不以有無介意父

友德薄江津俸餘所遺悉歸其兄三才衡茅蔬布
畢生無怨言子光祚任宣城令封文林郎

牛顯生平好義急公正統五年捐麥一千石運京
助餉詔旌其門給粟帛免差徭有碑記

趙思敬正德間劉六劉七寇河南率衆攻唐思敬
背城力戰斬賊渠白大王圍遂解

呂文昇萬曆二十一年歲荒民饑文昇捐糧一千
石送縣賑濟仍糾同志王好等七人各輸一千石

時號七義士俱奉旨旌表

王昉沉摯多善行萬曆二十一年捐穀一千石助
餉上欲官之昉曰今邊用不足輸粟給軍分也敢
貪賞乎不受旌爲善人

鞏純字淡庵尚義樂施見貧不能婚葬者傾囊助
之掩枯骨活餓夫扶危恤孤多敦善行萬曆間捐
金百兩修文昌祠咸稱其義

劉聖波字文瀾邑貢生志高尙樂施子闖賊踞西
安時徭之不起及流寇陷唐城署縣事王深澤殉
難無歸聖波爲具棺木以禮哭葬之輸守城糧一

百二十石錢二百緡又捐任屋一所建明倫堂邑
義士也

趙奎光字射斗邑庠生性嚴毅有守剛方不屈流
賊陷城誓死不從妻張氏抱女孫投水死奎光語
其子曰汝曹當奮力以圖後効吾願爲厲鬼以滅
此賊未幾父子相繼而歿人稱之曰是父是子節
義兩全

周日琮字世美邑庠生闖賊之亂遜居雙山徵之
不起迫以死終不屈臨卒見其左肱鐫有死不從
賊四字深入膚裏訪之家人皆不知也其志節高
潔人所莫及

方自許字欲軒襲武畧將軍素樂詩書敦孝友重
信義崇禎十四年歲大饑出所儲粟百石分餽鄉
黨全活甚衆

趙天裕崇禎辛巳流賊陷宛城裕矢志堅守奮不
顧身中炮幾危賊欲生之日死矣卽爲今日事臨
絕大呼曰隻身安能當百萬願爲厲鬼以殺賊遂
死

王隆德邑庠生一日預上丁祭見奎星在荆棘中
惻然曰吾儕所業何事而忍文衡之司與銅駝共
厄耶因撤所居樓房葺之

國朝

李文光同胞兄弟六人年甫十五父逝世光竭力
撫諸弟成立悉爲完娶產業概讓諸弟不爲已有
後季弟文耀夫婦早逝遺男李雍甫二歲撫養教
誨一如己子今登康熙甲子賢書中甲戌進士里
人咸高友于之風

王可太號履生明季寇亂歲饑盜多出沒民無所
倚攜其家人相率歸太者數千人太竭力周恤人
人惠濟之咸得生全

史正芳性友愛分甘讓肥出於至誠當兄弟析居
日舍宇土田盡以美者歸其弟訓子佚日爭財市
利構黨同氣非惟不友貽先人耻卽不孝也吾羞
之爾曹盍勉焉

韓文娘號質庵應琦子襲甲喇章京慷慨尚氣節
綽有父風康熙庚午冬歸葬比里有陵於強暴者

傾產不足將鬻其女煨力爲脫之父女遂得復聚
里人咸高其義爲勒石以誌不朽

好義嫩行也急公用急排難解紛義本于仁也
奮力禦侮視死如歸義以爲節也均之一義也
彼田仲郭解之徒籍邀結以爲聲援者似義而
實非也尙義者其審諸

者碩

明

牛自然字樂天醇正謹厚有長者風由舉人任四
川馬湖司李引經斷獄郡無冤民解綬歸足不履
城市宗族間非吉兩祀事亦罕見之屢與賓筵年
九十卒

曲從仁字明五直方自矢動必以禮慎取予重然
諾里中佻達子弟望見仁皆引去邑令延入賓筵
旌之日望隆烈實

呂仲信字恪軒由舉人兩任縣令風裁嚴峻慈惠
著聞解組歸絕口不言時事邑人仰其高風屢請
大賓固辭不往

趙家棟字任弘初以廷試入都歸語人曰長安藕絲孔耳豈能着鬚眉丈夫遂絕意仕進高蹈自適宗黨有訟者每引論勸解雀角寢息邑令嘉其行延與賓筵

章鹿鳴邑貢生勿攻舉子業安貧樂志不慕榮膺素孝友恭儉士林重之

張毓奇任廣文淡泊寡營嘗曰博士有青氈稱弟子師吏隱雖貧猶勝東方生索飽不得耳晚年廉靜自安杜門絕俗人皆服其高曠

劉耀寰字辰輝天性和樂每接里黨一以善氣處之遇輕汙少年輒避之出入皆依禮序舉趾不苟有古人風

王志忠性孝友於故舊尤加敦厚不苟言笑不輕臧否不為炎涼回背所移邑中皆稱為獨行子君杜誥持已端方課其子弟以敬祖睦族敦行為先崇本務實人咸重之

呂應鍾齒高德茂號為長者砥行慎言不道人過家雖素封而布衣糲食安之如故不以侈靡相競

唐縣志
邑令知其賢三與賓筵

韓希耀素恭儉樂恬退教子若孫以忠厚傳家爲法孜孜好善老而弗怠

田自與性質直進爲阿諛之態里中貧乏者有叩必應嘗日置人緩急於度外非情也分金結客有鮑叔孟嘗之風公舉鄉賓

國朝

全毓賢字質之邑貢生剛直狷介取與然諾纖悉必慎足跡不履公庭遇族黨讌會竟席無一語涉時政得失嘗語人曰面諛人長背議人短人皆知其非而恒蹈之由其平日未嘗內自省也里有私曲者每相戒曰勿令全長者知制行端方一時重之

嘉言懿行善蓋一鄉稱以耆碩崇齒德也然必範俗如陳太丘持正如王彥方斯無媿於鄉評而可爲後世法豈必乘下澤車騎款段馬遂足爲里黨所推重也與

文學

明

劉澄清立心純白制行無疵讀書但觀大意爲善不求人知所著有四書辨非舉業訂要麟經疑是等書

王雲龍字升宇由選貢任大寧令調知荔蒲縣皆以德威著其爲學好讀先秦而漢書自命大儒不欲與帖括較勝命子曰儒蓋其志也遺稿爲寇焚毀時人惜之

杜文燦字斗垣邑庠生博綜群書善操琴武詩著有玉壺水續集也足軒詩稿

張元亮字懷貞歲貢生任汝寧訓署上蔡縣事廉潔自愛吏民懷之著有張子一家言

國朝

曲耀辰字天樞順治辛卯科中鄉試副榜學問淹雅爲文務規先進居家孝友兄弟無間康熙六年縣令田介補輯邑志攷集編次皆辰校訂之力也山川毓秀類多文人學士產於其間大之經天緯地生邦國之光微之弄月吟風抒一己之志

唐書志
皆文也則皆學也唐固叢爾夢花吐鳳豈伊無
人然已著之選舉矣若乃典雅可稽遺編猶在
亦足志也故表而出之

隱逸

漢

嚴光字子陵新野人少與光武遊光武卽位光變
姓名而隱帝以物色訪之齊國上言有一男子披
羊裘釣澤中帝疑是光乃備安車元纁三徵而後
至車駕卽日幸其館光臥不起帝卽其臥所撫光
腹曰咄咄子陵獨不可相助爲理耶光曰吾患虞

著德巢父洗耳士固有志何相迫乎帝復引光
論道如舊因其偃臥光以足加帝腹上明日太史
奏客星犯帝座帝笑曰朕與故人嚴子陵共臥耳
除諫議大夫不補釣於富春山下以壽終於家今
唐邑西桐河之南曰子陵釣臺

吳英家世淵明少有學行名著海內先後徵辟皆
不赴漢順帝備策書元纁以禮徵英將待以師傅
之禮終不屈

高鳳隱居唐子山之麓不嗜榮利好讀書每有會意輒欣然忘食棲心名理高蹈自得今昆陽亦有鳳讀書處

讀東漢逸民傳猶覺清風披拂不禁慨焉慕之觀其操作類皆枕石漱流超然物外者也陳風有云泌之洋洋可以樂饑唐帶泌水而桐江釣臺如故高尚之士出焉彼終南捷徑豈能有其芳躅與

一流寓

明

董應芳直隸人由武進士授南陽衛守備崇禎九年南陽郡邑土寇蜂起應芳率鄉兵十餘日勦且撫所屬無敵後以任滿寄籍於唐時莅莅日熾芳教射練勇保禦一方人多賴之

國朝

杜弘場原名應金榆林衛人明末從寧南侯左良玉勦撫楚豫陞副總兵戎

嗣定鼎委鎮湖廣沔陽州尋辭兵歸寓唐入籍子忠授

梅勒章京銘授甲喇章京

何其德字揆一浙江義烏人原任唐縣主簿何克謙之子好學不倦多才技尤精於術數堪輿顯治三年裁主簿缺遂家於唐

吳元字貞復江南徽州人弱冠遊學以東垣學見知於唐令遂人籍補弟子員癸歲薦性甘恬淡年八旬日讀易有程寒暑不輟著有奇門解曆數和易諸書

邵邦寧字泰徵順天文安人癸未成進士任唐邑右所千總捐置民房葺建公署立修理雉堞之法軍三民七保障有賴民安其業陞鄖陽鎮都司以唐風土淳厚因家焉

邵秉忠字憲思邦寧之子康熙癸卯舉人庚戌進士授山東樂安令陞廣西賓州知州惻輻無華不與流俗浮沉體父遺志仍家於唐

康節居洛子山寄頽古人非輕去其鄉也偶動於山川之秀風俗之淳隨地棲止千載而下其地遂以人傳唐固中州奧區三都賦亦稱天封

爲列仙之隙此賢哲所以往往托跡於斯也

詩

五言律

金鷄臺

劉源潔

曉登臺上望數里見城隈野馬桐山合長風泚水
洞酒沽人是聖花落曲翻梅遠影天中塔浮雲傍
日來

黃臺

龐尙鵬

徐步黃臺上開眸誦古文樹巔舍宿雨天半過朝
雲野色還春媚初晴向曉欣願言思君子何日侍

金門

初過唐城

明介

百里日終盡蕭條一望空艸枯原露冷木落野雲
紅古道橫蔓棘荒臺視晚風澤中處處水何地見
歸鴻

其二

何處不凋敝荒殘獨此城幾村見火舉萬落少人
行問稅恒無生食鹽偏有丁更憐霜雪地千里告
河成

署中

冷署如禪落門閉白晝長風聲動鎖鑰竹影畫封
章閣道開蔬圃刑臺變墨莊空餘午夢獨日日晤
羲皇

其二

坐起開門去閱行信所之拋磚擲瓦雀解纜放貓
兒樹果防風落盆花代雨滋更餘未盡艸日暮荷
鋤隨

全節婦韓氏

古 燕 邵秉忠

欲挽人間世艱辛歲月深風雷鳴正氣冰雪照孤
心華袞殿廷在廢歌紳野吟綱常慰厥父白璧重
泉林

五言排律

陪戀

御書淮瀆廟額使臣觀唐河

朱璣

禹甸淮源出

堯天霽藻來使臣親閱歷長吏得追陪喜有濠梁興
無作料材提封唐縣古名勝豫州推沁水三支合

襄江一道開但修騎馬路未築釣魚臺拄笏看西
爽揚鞭指上台野花承露起高懸入雲回原隰皇
華麗山川國脈培神宮望桐栢佳氣接蓬萊

步前韻

平鄙鳴

聖朝清晏日嶽瀆慶方來宸藻中天燦皇華七月陪
臨流鼓棹處接踵濟川材淮水遡源舊唐山自昔
推洋洋千派集渺渺片帆開襄漢瞻商舶桐江隱
釣臺禹功昭萬古使節映三台甘雨雙旌沛秋風
五馬回紫泥飛渙汗赤縣荷栽培遙矚胎簪道

祥光溢艸萊

七言絕

唐了山

張三丰

白石磷磷透澗泉
蒼松鬱鬱鎖寒烟
碧桃花發朱英秀
別是人間一洞天

天封山

何景明

山雲勃勃湧驚濤
漉漉水湯湯浸巨鰲
極目下觀千萬里
扶桑依約見蟠桃

龜井

王勣

曾負天文演禹疇
森然理數鬼神愁
知心箕子今何在
冷落寒泉不記秋

七言律

再謁武侯祠

田介

廿載前曾謁武侯
霏霏夜雪積碑頭
石坊依舊添題柱
廢閣從新有畫樓
漢業已歸司馬去
廬茅猶結臥龍憂
君靈若果流連此
滯魄何年返益州

光武臺

湯民化

白水龍飛掃濁濤
中興天子自雄豪
氣寒莽炤櫓

唐縣志
槍落力鎮在瀾砥柱高列嶂遙連留戰壘流泉鳴
咽聽兵塵昔年事業今何在惟見空臺說帝勞

子陵臺

吳璞

漢代英雄爭鵠起羊裘老子自龍藏一溪綠水忘
名利滿塢浮雲視帝王線掛長霓風不斷鉤懸碧
落月同光底今往事烟波渺雨洗舊磯意自芳

尋子陵釣處

田介

臺上周廻看列山平巒如畫又如環千林紅樹參
差外一帶別城香藹閣水靜曾無飛鳥集溪深時
有野雲還當年果使子陵在儘可披裘把釣閒

三義臺

李興運

臥龍雛鳳幾經秋剩有茲臺鎖碧流蜀鼎雲空英
氣在隆吟風邈暮烟愁農耕舊隴忘前跡客到層
巒憶盛遊知遇已成千載事月明高義照汀洲

古塔摩霄

張爾繪

浮圖削出欲連天曉掛唐州萬竈烟影射雲中天
柱落頂摩星際月珠懸風敲鈴鐸虛中響雨過菩
提空裏鮮造極披雲窮兩目須臾收盡宛山川

冬日登菩提寺塔

田介

一塔巍然高壓城扶欄俯瞰衆山平石門不扇流
雲過鈴閣空懸瓦雀鳴舊井千家荆棘滿荒郊十
月野茅生登臨勝概今何在四顧淒涼不禁情

夏日登菩提寺塔

古虞黃開勳

登臨何處眼增寬躡屐浮圖更上看郭外千郊如
畫裏眺中孤影入雲端梵宮晝靜三時鎖石戶風
來六月寒寂寂荒城空極目幾回鳥語夕陽殘

偕同人登菩提寺塔步韻

山陰孫公亮

憑高瞻眺望中寬四顧蕭疎不忍看白水遠從襄
地去青山遙擁插雲端荒城廬舍同碁布梵刹幽
樓曲徑寒幸有禪房花木在呼童聊折幾枝殘

石柱擎天

杜芳美

噴岬石筍透雲生半壁青天兩柱撐樸父立停從
禹道不周解折倩鰲擎曠瞻眼底收淮甸高指雲
間問斗星金簡龍文都莫在雙環照取石頭明

探石柱山

山陰孫霞堦

並峙高岡峻極天東荆砥柱至今傳龍門自昔知

誰鑿鰲駕當年獨爾懸測晷不須從日表留雲未
許着山鞭雙環繫得淮舟在此地何愁乏濟川

竹林晚翠

全疏賢

古剎緣城帶水開井烟浦霧日飛來清寒恣飽干
山雨碧瘦鋪茵一院苔野鶴歸棲青掩映落霞返
照綠徘徊月移虛影風絃奏却勝看花弄酒杯

過竹林寺

黃圃勳

探勝荒郊陟遠岑隄環城郭水環林徑聯雙鳳疑
飛錫界曠三千界會心貝闕無塵啼鳥靜禪關有

路雨花陰徘徊高閣逢僧話笑看浮雲徧古今

過竹林寺和黃輪卿韻

山陰孫公亮

散步郊原向遠岑偶來澗外憑叢林松間鳴玉聞
緣寂竹裏鋪金見道心關上談經龍護法山中卓
錫鳥棲陰謾言栢子西來意天竺流傳已到今

寒泉寺

田介

綠樹參差殿院捫寒泉一掬石梁蹲清風有力搃
龕影未日無能賦寺門閣道雨餘苔徑濕禪房竹
隱曉窻竹間未好共茗香坐不管人情寒與溫

虛洞傳聲

謝希堯

誰將洞府隔山巔石室欽崙破半天何處聲從碧
漢落臨茲氣與白雲連孤巒自發蘿門嘯萬谷長
鳴伯子茫茫是神仙留雅奏遙從峭壁吐心傳

響潭飛練

呂揚勳

峻層石壁墮天波洞口潺湲奏珮珂徹底清搖銀
漢影浮空光湛白雲窩水綃泣吐鮫人泪雪綵
從織女梭晴霽常驚風雨至泛槎搔首奈如何

蓮花捧佛

惠誠美

覓壑尋幽問水能忽驚東土有蓮花團峯秀結清
池瓣層嶺長開烈火芽雨過香生浮水面風飄英
落散天花巨靈早識西來意故遣群山闢翠華

寒泉漱玉

江之洲

晶瑩碧澗一泉生石面寒光映日明桐水源長本
自潔徽山風遠為誰清氣來鮫窟凌沆瀣液濕水
壺總玉瓊試問由來飲水者可能無媿雪霜聲

龜井朝烟

苗振揚

靈物於今不記年井欄浮氣暎朝烟伴鰲海底春

秋古吸月泉中雲霧鮮身遠碧宵光不斷形歸紫
禁俗猶傳甲藏塚外誰能識不門乾坤有變遷

北鄉卽事

田介

履畝由來世所譏山村何處覓柴扉林疎鳥絕鷹
鷗餓野蕩茅深鹿豕肥破壁驚看晴雨落空樂苑
有暮烟霏舊時王謝歡娛地指點荒苔是與非

桐江道上

荒莊列樹渾如垣橙子離離金可捫到地浮菹黃
作土連天青艸綠盈門藤蘿高下蚤斯語窟笑參

差野鼠屯舊日長隄走馬道花茵鋪處幾磚存

其二

百什人家一二存嶙峋破壁幾蘿捫餐風泣露矜
羊斷薦艸衣苔石虎蹲病婦腰鎌牽孽子老夫拴
犢抱雛孫懽然乞得鄰家火日暮湯勞扣遠邨

謁諸葛祠

黃開勳

漢業中衰板蕩時群雄逐鹿孰撐持隆中高臥吟
梁甫泗上遺苗泣路岐一出三分歸正朔寸心千
載植綱維祇今仰止荒祠下吳魏何人繫我思

分司對雨 舊在縣治西

顧福 大叅

城壓層雲釀曉陰
槐庭白日坐消沉
風塵宦路勞何補
霖雨吾民望正深
幽艸含香橫野澗
饑鳥尋食下疎林
閉門吏散文書靜
獨對鑪薰漫自吟

其二

分省森嚴地亦幽
山圍城郭水通舟
坐聞隔樹鳴雨喜
見當場麥報秋
白髮敢忘明主顧
赤心終繫細民憂
蒼茫宦海萍蓬跡
青眼逢人且暫留

唐城懷古 廼文

毛敬光

懸線一河明浦遠
暮城登眺晚來秋
天接星光到上閣
寺環山翠拱東樓
烟凝野岫青霄爽
月照流泉碧木幽
編遺攷處多書著
端簡題詩賦客遊

七言古

唐城懷古

平鄙陽

唐子魏襄時宛南
午峯白玉並天參
蓼花間出爭傳麗
桐必歸唐萬派溼
攬勝山川猶是昔
低徊風物皆塵蹟
隋唐置郡名淮安
分刺唐州代屢革
穀擊肩摩比戶封
淮襄千艘競奔衝
春花秋月絃歌

涕想見繁華樂阜豐何事滄桑如震電忽焉荆棘
盈花縣城餘瓦礫留棲鳥野曠愁風吹鴿面蓬華
晨星徧寒谷雁鴻中澤悲笑獨誰家金甌不飛塵
朔冷擬整晴鼓腹今歲犁鋤明歲休拋東赴北逐
波流石田有賦無新穀終年何日得忘憂君不見
芊芊芳艸綠狐兔穿林麓又不見白日駭青燐婦
子哀杆抽昔時蕃庶已成空山峙川流今昔同干
載令人思召杜

蘇詩復採古唐風

全唐詩

曹世英

桐山翠律連天起淮水澄徹秋見底中產國士及
名媛韓家是父與是子父兮決策攀龍鱗女能斷
髮更截耳緬昔十七試織襄天崩地折大木僵引
刀誓死誰能顧孤兒兩月泣嗶嗶欲從夫兮孤誰
主欲撫孤兮已斷腸爲節則難爲烈易二者徘徊
心慘傷惟母從容專以一含悲洒淚拜姑嫜婦代
子兮母代父孝養怡然安荼苦內供厥親外延師
復爲黽勉持門戶春花爛熳秋月明蓬髮婆娑色
如土丸熊課讀間機聲經營惟恐失前武松節水

八
卷之八
霜四十年紅顏今已爲老姆蘭芝頭角日崢嶸書
聲載繼斑衣舞黃麻用錫福無疆道傍觀者立若
堵共羨紫誥煥褒嘉此中茹藥誰能數從此頽風
振此流頑廉懦立報作觀片石屹然大封巔凜凜
大義照千古

人志地千古
披此流石
作此石
然天

